

AUGLÝSING

um staðfesting forseta Íslands á breytingu á reglugerð nr. 78/1979,
fyrir Háskóla Íslands, með áorðnum breytingum.

Forseti Íslands féllst hinn 7. júní 1988 á tillögu menntamálaráðherra um að staðfesta eftirfarandi breyting á reglugerð nr. 78/1979, fyrir Háskóla Íslands, með áorðnum breytingum:

1. gr.

XII. kafli fær fyrirsögnina **Viðskipta- og hagfræðideild** og orðast svo:

XII. KAFLI

Viðskipta- og hagfræðideild.

90. gr.

Viðskipta- og hagfræðideild veitir kennslu í viðskiptafræðum til cand.oecon prófs og í hagfræði til B.S. (econ.) prófs. Skipan námsins miðast við, að viðskiptafræðanám taki fjögur ár og hagfræðinám taki þrjú ár. Nám er vegið í einingum (e), og skal ársnám talið 30 e. Til cand. oecon. prófs í viðskiptafræði er krafist 120 e, en til B.S. (econ.) prófs í hagfræði 90 e. Deildin getur skipulagt framhaldsnám til M.S. (econ.) prófs í hagfræði.

Stjórn deildarinnar er í höndum skorfunda, skorfarmanna, deildarfunda og deildarforseta. Deildarfundur hefur úrslitavald í öllum málum, sem deildin er bær að taka ákvörðun um.

Kennslugreinar deildarinnar skiptast milli viðskiptaskorar og hagfræðiskorar eftir ákvörðun deildarfundar. Hvor skor fer með málefni kennslugreina sinna í umboði deildarfundar, ákvarðar námsefni og tilhögun kennslu og prófa, ákveður skiptingu kennslu milli kennara í skor og gerir tillögur til deildarfundar um ráðningu aðjúnkta og stundakennara. Áður en deildin gerir tillögur um skipun eða setningu í prófessorsembætti, dósentsstöður eða lektorsstöður, skal leita álits viðkomandi skorar, og eiga fulltrúar stúdenta á skorfundi þá ekki atkvæðisrétt. Skorir gera tillögur til deildarfundar um nauðsynlegar fjárveitingar og nýjar stöður.

Á skorfundi eiga sæti prófessorar, dósentar og lektorar í kennslugreinum skorar og tveir fulltrúar stúdenta kjörnir ár hvert af félagasamtökum þeirra úr hópi stúdenta í sömu skor, og taka þeir sæti á skorfundum við upphaf næsta háskólaárs. Enginn getur átt sæti í tveimur skorum. Deildarfundur ákveður, í hvorri skor kennari á sæti.

Hvor skor kys í apríl ár hvert formann og varaformann úr hópi prófessora, dósenta og lektora skorfannar. Skor heldur fundi eftir þörfum. Gerðir skorfunda skulu bókfærðar.

91. gr.

Kennslugreinar eru þessar: Prógreinar í fyrri hluta, sbr. 92. gr., prófgreinar í síðari hluta, sbr. 93. gr., og kjörgreinar samkvæmt ákvörðun deildarinnar.

92. gr.

Prófgreinar í fyrri hluta náms í viðskiptafræðum eru fornámskeið í stærðfræði (0 e), stærðfræði (3 e), bókfærsla og reikningshald (12 e), tölfraði (6 e), upplýsingatækni (3 e), íslensk haglýsing (6 e), aðferðafræði (3 e), lögfræði (6 e), þjóðhagfræði (6 e), rekstrarhagfræði (9 e), skattaréttur, skattskil (3 e) og félagsfræði (3 e), alls 60 e.

Prófgreinar í fyrri hluta náms í hagfræði eru rekstrarhagfræði (6 e), þjóðhagfræði (6 e), tölfraði (6 e), stærðfræði (6 e) og reikningshald (6 e), alls 30 e.

Kennslu í fyrri hluta skal haga þannig, að farið sé yfir allt námsefni árlega og unnt sé að ljúka prófi í fyrri hluta á tveim árum í viðskiptaskor og á einu ári í hagfræðiskor. Stúdent telst hafa staðist próf í prófgreinum 1. árs, hafi hann hlotið lágmarkseinkunnina 6,5 í rekstrarhagfræði og þjóðhagfræði og jafnframt 6,5 að meðaltali í öllum prófgreinum. Námið í kennslugreinum 2. árs skal hefja að hausti. Stúdent í hagfræðiskor skal hafa staðist próf í öllum prófgreinum 1. árs, áður en hann hefur nám á 2. ári. Stúdent í viðskiptaskor skal hafa staðist próf í prófgreinum 1. árs, sem gilda a.m.k. 24 e, áður en hann hefur nám á 2. ári. Viðskiptaskor ákveður, í hvaða prófgreinum 1. árs unnt er að þreyta próf samhliða námi í 2. árs greinum.

93. gr.

Til prófs í síðari hluta teljast kjarni (30 e) og kjörsvið ásamt frjálsum kjörgreinum og ritgerð (samtals 30 e). Kjarnarnir eru tveir, viðskiptakjarni í viðskiptaskor og hagfræðikjarni í hagfræðiskor.

Prófgreinar í viðskiptakjarna eru stjórnun (6 e), fjármál fyrirtækja (6 e), markaðsfræði (6 e), framleiðsla (6 e), aðgerðarannsóknir (3 e) og upplýsingatækni (3 e):

Prófgreinar í hagfræðikjarna eru rekstrarhagfræði (6 e), þjóðhagfræði (6 e), hagrannsóknir (6 e) og aðrar greinar (samtals 12 e) samkvæmt ákvörðun hagfræðiskorar.

Kennslu í síðari hluta skal haga þannig, að farið sé yfir námsefni í kjarnagreinum og kjörsviðsgreinum árlega, en námsefni í öðrum greinum a.m.k. annað hvert ár. Námið í kennslugreinum 3. árs skal hefja að hausti og skal stúdent þá hafa staðist próf í öllum kennslugreinum 2. árs í hlutaðeigandi skor.

94. gr.

Deildin setur reglur um skipan kjörgreina í kjörsvið og vægi þeirra. Eitt kjörsvið í viðskiptafræðum skal vera endurskoðunarsvið.

Stúdent velur frjálsar kjörgreinar, er teljast hvorki til kjarna né kjörsviðs hans. Heimilt er honum einnig að áskildu samþykki deildarinnar að velja frjálsar kjörgreinar í öðrum deildum eða námsbrautum.

Efni ritgerðar skal valið í samráði við a.m.k. einn fastan kennara deildarinnar. Ritgerð vegur 3,6 eða 9 e, eftir vali stúdents að fengnu samþykki kennara. Stúdent á endurskoðunarsviði er þó ekki skyldur að skila ritgerð. Deildin setur nánari reglur um samningu ritgerða og skil. Heimilt er að prófa stúdent munnlega um efni ritgerðar og meta frammistöðu hans sem hluta af einkunn fyrir ritgerðina.

95. gr.

Heimilt er kennara með samþykki skorar að meta ritgerðir og æfingar sem hluta af prófi og áskilja lágmarkseinkunn í hverjum prófhluta greinar. Heimilt er einnig að meta vinnu stúdenta í fyrirtækjum og stofnunum og vinnu við ákveðin verkefni utan deildar til jafns við ritgerðir og æfingar í einstökum greinum.

Deildin getur haldið æfinganámskeið utan reglulegs kennslutíma.

Próf skulu vera skrifleg, nema deildin ákveði annað. Próf eru haldin í lok námskeiðs. Endurtekningarpróf eru haldin að hausti.

Falli stúdent úr deildinni, skal hann fá viðurkennd þau próf, sem hann hefur lokið með lágmarkseinuninni 6,5, enda endurinnritist hann eigi síðar en á næsta háskólaári.

Stúdent í viðskiptafræðum skal hafa lokið prófi í fyrri hluta eigi síðar en á því almanaksári, er hann hefur verið skráður í deildina í 3 ár samfleytt, og prófi í síðari hluta eigi síðar en 6 árum eftir skráningu. Stúdent í hagfræði skal hafa lokið prófi í fyrri hluta eigi síðar en á því almanaksári, er hann hefur verið skráður í deildina í 2 ár samfleytt, og prófi í síðari hluta eigi síðar en 5 árum eftir skráningu. Deildin getur veitt undanþágu frá þessum tímamörkum, ef veikindum eða öðrum vítaleysisástæðum er til að dreifa.

Ákvæði til bráðabirgða.

Heimilt skal viðskipta- og hagfræðideild að veita stúdent, sem hefur innritast á endurskoðunarsvið fyrir gildistöku nýrrar reglugerðar, undanþágu frá ritgerð, sbr. 3. mgr. 94. gr.

Stúdentar, sem hafið höfðu nám í viðskiptadeild fyrir lok vormisseris 1988, eiga rétt á að ljúka námi sínu í samræmi við fyrri reglugerðarákvæði.

2. gr.

Reglugerðarbreyting þessi öðlast þegar gildi.

Menntamálaráðuneytið, 8. júní 1988.

Birgir Ísl. Gunnarsson.

Knútur Hallsson.

AUGLÝSING

um meðferð forsetavalds í fjarveru forseta Íslands.

Forseti Íslands, Vigdís Finnbogadóttir, fór í dag til útlanda.

Í fjarveru hennar fara forsætisráðherra, forseti sameinaðs Alþingis og forseti Hæstaréttar með vald forseta Íslands, samkvæmt 8. gr. stjórnarskrárinna.

Forsætisráðuneytið, 3. júlí 1988.

Þorsteinn Pálsson.

Guðmundur Benediktsson.

AUGLÝSING

um að forseti Íslands sé kominn heim og tekinn við stjórnarstörfum.

Forseti Íslands, Vigdís Finnbogadóttir, er komin úr för sinni til útlanda og hefur á ný tekið við stjórnarstörfum.

Forsætisráðuneytið, 9. júlí 1988.

Þorsteinn Pálsson.

Guðmundur Benediktsson.